

# حیات

حیات را حیا میانه... دریا راها هر حیات قانالم!...  
- نجه -

اداره مرکزی :

آنقره ده ، آنقره ده استانبول جاده سنده آنقره  
معارف امینلی یانده کی داتره

استانبول بوروسه :

استانبولده ، باب عالی جاده سنده وسملی برشقه  
اداره خاتمه سی داخنده کی داتره  
تلفون : ۳۶۰۷

نسخه سی هر برده ۱۰ غرورده .

سنه لکی پوسته ایله ۵ لیرا .  
( اجنبی مملکتلر ایچین ۵ دولار ) .

آبرنه واعلان ایشلری ایچین استانبول بوروسه  
مراجعت ایدیلیر .  
یازی ایشلریک مرجعی آنقره مرکز بدو .

صافی : ۳

آنقره ، ۱۶ کانون اول ، ۱۹۳۶

۱ نجی جلد

## مصاحبه

### علم و انقلاب

صوگزماملرده مطبوعاتمزمده علم ایله انقلابک  
مناسبتی موضوعنه داتر بعض فکرلره تصادف  
ایدیلیر . مثلاً دینیورکه « انقلاب علمه قارشی  
حرمتکاردر . لاکن علمده انقلاب قارشیسنده  
وضعیتی تعین ایتمه لیدر . انقلابلر علمک قاعده  
لرینه ، دستورلرینه اویغق مجبوریتنده دکدر .  
علم انقلابک آرقاسندن یورومه لیدر و ساده جه  
بر مشاهده جی وقیدجی کیبی حرکت ایتمه لیدر .  
انقلاب سیرنده دوام ایدرکن علمه دوشن وظیفه  
ساکت وصامت یالکسر حادثه لری تثبیت ایتمکدن  
عبارت قالمالیدر . « ایلمک باقیشده بو فکر لرغایت  
معقولدر . علملر شبهه سز حیاتدن دوغمشدر .  
ناصل ماده یه عائد علملر تدوین ایدیلهدن اول  
ماده بو تونکی کیبی موجود ایدیه ، جمعیه عائد  
علملر تشکل ایتهدن اولده دنیا یوزنده جمعیتلر  
واردی . و البته ریاضیات ومنطق ذاتاً موجود  
و فعال اولان ذهنک مولودلریدر . هنوز توصیفی  
صفحه سنده بولونان معنوی و اجتماعی علملرک  
حیاتک و جمعیتک سیری و حله لری قارشیسنده  
اک بویوک وظیفه لری ده شبهه سزکه جمعیه عائد  
هریکي نظاهره دقت ایدهرک مشاهده ومعلومات  
ساحه لری کینشله تمکدر .

لاکن انقلاب دینلن بویوک اجتماعی حله لر  
شعور سز صو جریانلری و فورطنه لری قیلندن  
جانسز بر حرکت دکدر . بشرک بومعظم حله لریک  
شدت وقوتی افاده ایچین اکثریا طبیعتک بومهب  
حادثه لریه عائد کله لریک استعاره ایدیله سی اعتیادی  
بعضا ذهنلری حقیقتدن انحراف ایتدیره بیلیر .  
انقلابلر شدت وقوت اعتبار یله اکمدهش سیلله

الک قوتلی قاصیر غالره بکزر ؛ لاکن بوتون مشابته  
بو قاداردر . سیلر وفورطنه لر شعور سز ، انقلابلر  
ایسه باشندن صوکنه قادار شعورلوردر . هر  
انقلابک برچوق عامللری واردر ، فقط بوتون  
بونلرک ایچنده الک قوتلی عامل شبهه سزکه بشری  
اولاندر . موفق اولان انقلابلر قوتلی رهبرلرک  
عاملیتی ایله حرکت کایر و رهبرلرک روحنده  
تکائف ایدن معشری شعور واراده ایله هدفنه  
دوغرو کیدر . عظیم بر بشر کتله سینه یکی بر  
استقامت و یرن انقلاب رهبرلریک علم سز حرکت  
ایتمه لرینه امکان وارمیدر ؛ اگر علم ، بشرک سابق  
تجربه لرینک محصله سی ایسه بونا بر آن بیله احتمال  
ویریه مهز . بویوک بر بشر کتله سینه یکی بر استقامت ،  
یکی بر حرکت ویره بیلیمک ایچین فردی و معشری  
روحیات ، اقتصاد واجتماعیات حتی جوغرافیا  
و تاریخ معلوماتندن ( توصیفی ماهیتنده بیله  
اولسه ) استغنا یه امکان یوقدر . انقلابلری حاضر لایان  
عامللر آراسنده فکری ماهیتده اولانلرک قیمتی  
استغفار ایتمک نه قادار یالکش اولورسه ، انقلابلری ،  
خیزنی و استقامتی منحصر ا کندن آلان  
شعور سز بر هیجان عد ایتمکده او قادار خطالی  
اولور . انقلابلرده ایمانک رولنه بیله لیاقتندن  
فضله موقع ویرمک دوغرو دکدر . ایمان ساده جه  
بیلکی یه هیجان و حرکت ویرن ، بیلکی ایله روح  
آراسنده صمیمی بر علاقه تولید ایدن عنصردر .  
نسبه ضعیف بر بیلکی یه ایمان بر نوع قناعت  
ماهیتی قازاندر ایلیلر ، لاکن بیلکی اولمادجه  
یالکسر ایمان انسانی موقعیه کوره مهز ، کوره  
بیله تصادفی اولور .

صو کرا « علم » مفهومی ده لایقیه تعین  
ایتمه سز لازمدر . بشرک الک عظیم انقلابی ،  
صناعی انقلابی ، وجوده کتیرن عامل علم دکیدی ؛  
حالبوکه بو عظیم انقلابی « فعلاً » تحقق ایتدیرنلر

آراسنده « علم » عنوانه لیاقت پیدا ایتش انسانلر  
کوره یوروز . صناعی انقلاب تکنیک آداملریک  
اثریدر ؛ کونه نبرغلر ، ژاقلرلر ، واکلر ، سته فه نسولر ،  
فولتونلر ، هوتینی لر ، مورسار هپ ساده جه  
تکنیسینه ناردی . . . لاکن بونلرک ته کنیک  
معلوماتلری غایله وطور یحله لری لردن ، کوپرنیک ،  
نیوتون و لاووازیه لره قادار معظم بر علم هیئتک  
صرف علمی ماهیتده کشف لرینه استناد ایدیلوردر .  
بزم انقلابمزمده علمک و فلسفه ک قوتلی  
بر تأثیری اولمادیغی فرض ایتمک تورکری جهانی  
یوروتن فکرلردن بی خبر عد ایتمک کیبی غریب  
بر دوشونجه اولور . بعضاً « علم » نامنه اورتابه  
سورولن مطالعه لر بزی شاشیر تمامالی در . کمیت  
و حتی کیفیت اعتبار یله نه قادار دکرلی اولورسه  
اولسون معلومات صاحی اولق انسانی علم صاحی  
ایده مهز ، معلومات براز فلسفه له شمه دجه ، یعنی  
تفکرده ، اراده یه ، فعله ، قیصاجه سیرت و سجیه یه  
نافذ اولمادجه « علم » حالی آلاماز . علمک  
ومعلوماتک اخلاقی قیمتی بو خصوصیتنده مند مجدر .  
علملری کندی لرینه اشیا و حادثه لری کورمک  
اعتیادی ویره مهش اولانلرک ، تفکرلرنده  
دورغون و قاس قاتی قیمت قسطا سیرینه منقاد  
بر اسیر حالنده بولونانلرک حکم و مطالعه لرینی  
علمه نسبت ایتمک علمه قارشی حرمت سزک اولور .  
دیگر طرفدن علمی ، حیاتدن آیرارق حیاتک  
حادثه لری قارشیسنده اونی ساده جه بر ضبط  
کاتبی موقعنده کورمکده انقلابک فلسفی قیمتی  
انکاره واریر . بزطن ایدیوروزکه حیات و انقلاب  
ایله علمک مناسبتی دوشونورکن بو افراط  
وتفریطلردن توقی ایدهرک حادثه لره داها معتدل  
بر نظرله باقایه امکان واردر ، و آنجاق بو صورتله  
دها سالم بر حکمه ایریشیله بیلیر .

عولی